

مکتبہٴ ادبی و سیاسی

❁ ادبی و سیاسی رسالہٴ اسبوعیہ در ❁

۲۱ نجی سنہ

۹ ذی الحجہ ۱۳۲۹

❁ پچیشنبہ ❁

جزو عدد : ۱۲۳

(مابعد عن جزؤ ۱۲۲)

- س — برنسلردن هانکیسی ایله مناسبتده بولنیورسکیز ؤ
- ج — اولابرنس دیمکله کیملری مراد ایدیورسکیز آنی آکلایه بیلیرمی؟
- س — طبیعی . شهزادکان حضراتی .
- ج — مناسبتده بولنلق شویله طورسون هیچ برنی طانیام .
- س — سزه افندیلردن بری مجوه رلی بر قلم گوندرمش صحیحمی ؟
- ج — اوت صحیحدر .
- س — هانکی افندی ؟
- ج — عبدالعزیز خان اولادندن عبدالمجید افندی حضرتلری ؟
- س — مناسبتکیز اولمدینی حالده برشهزاده سزه نصل بر هدیه گوندیره بیلیر؟
- ج — بر پادشاهزاده نك ، مملکتک ارباب قلندن معدود اولان بر شخصه هدیه گوندرمسی ، او شخصک شهزاده ایله مناسبتنه دلیل اوله بیلیرمی ؟
- س — اوله اما بر شهزاده نك طوروب طوربر کن سئدیکی بر آدمه هدیه گوندرمسی بر آز غریب دوشتمز می ؟
- ج — طبیعی تخمینکیز کبی اولسه ایدی ، غریب دکل ، اضرب اولوردی . فقط شهزاده حضرتلری بو اثر تلغیفلرینی ایفا امرنده اوله بر وسیله بولدیلرکه آرده مناسبت و اتساب کبی حاللر اولمش اولسه ایدی بورتبه نجیبانه اوله مازدی .
- س — نصل اولدی ؟
- ج — تقریباً بوندن یدی سنه مقدم ، غالباً اوچنجی دفعه اوله رق ترتیب ایتدیکم (ربیع معرفت) دن بر معتاد غزته لره برر نسخه گوندرمشدم . فقط هنوز بازار انتشاره چیقارماشدم . چونکه مابین هایونه تقدیم ایشمیجیه نشر

ایتمامی عادت ایدنم شد ۱۱. بناءً علیه بر طرفدن غرتة لوده ظهورنی اعلان ایتدیر. دیکم گبی دیگر طرفدن ده او کون ماینه کوتوروب مطبعه مه عودت ایلشدم. مستخدمیندن بری او طعمه گیره رک: آغا قیلقلی بر آدم کلدی. کتابخچیلرده ربیع معرفت آرامش؛ بوله مامش. بر نسخه صائون آلمق ایستتور. دیدی. چاغزگز بورایه کلسون دیدم. ایچرویه کتیر دیلر. کندیسنی کال پاشا مرحومک خدمتده بیلدیکم بو آدمی کورنجه: بیورک احمد آغا. ربیع معرفت ایستمش سگزر. پاشا حضرتلری می امر ایتدیلر؟ دیدم. احمد آغا محجوبانه بر طور ولسان ایله: — خیر افندم! بنده گزی پاشا، افندیلر حضرتلرینک خدمتلرینه تعیین ایتدیلر. شمدی (فرعیه) ده بولیورم. کتابی مجید افندی حضرتلری ایستدیلر. کتابخچیلرده آریوب بوله منجه مطبعه دن آلمغه گلدم. فقط ده طیشارویه چیقمامش اولدیغندن سزه خبر ویرمنجه صاعمدیلر. دیدی. اوت! طوغری سویله مشلر. ده مجلده در. یارین صاعیلغه چیقاریله حق. فقط مادامکه بورایه قدر گلدیگز. سزی بوش گوندر مییم. سرای ایچون جلدلندکلمدن برنی ویریم. افندی حضرتلرینه تقدیم ایدگز. دیدم. وکناری یالیزلیرلندن چیقاروب بر نسخه ویردم. احمد آغا تربیه لی بر آدم اولدیغی و (تقدیم) ایدنه یاره تکلیف ایدیله میه چکنی بیلدیکی جهتله مؤدبانه برتمنا ایدرک چیقوب گتدی. ایتسی گونی اوکله وقتی ایدی. مرتب لردن بری یانمه کله رک: — دونکی آغا ینه کلدی. — دیدی. گوندر. کلسون دیدم. احمد آغا ایچرویه کورنجه ستره سینک جینندن صاقانغورده صاریلی بر محفظه چیقارم رق. افندی حضرتلری هدیه گزدن پک ممنون اولدیلر. سلاملریله برابر بویادکاری گوندر دیلر. — دیدی. بالطبع عرض تشکر و تحیات ایلدم. قلم حالا بنده گزده در. ایسترسه گز بر آدم گوندروب کتورتیه بیلیر سگزر. نوی قلم شکلده آلتوندن مصنوعدر. اوزری باشند باشه بری یاقوت دیگری پر لانه طاشلریله ترصیع اولمشدر. جدآ شاهانه بر هدیه در.

[۱] ۱۲۹۵ سنه سنه مخصوص ترتیب ایتدیکم (سالنامه ابوالضیا) نشر اولندن مابیندن مصادرله ایلش اولسنه مبنی آندن صکره چیقاردیم آثار سنویه بی قبل النشر ماینه تقدیم مجبوریتده ایدم.

س - بوقلندن صکره مناسبانده بولندیکنزمی؟ تعاطی، مکاتبات واقع اولمدمی؟
 ج - خیر. یالکگز ایرتسی سینه ینه احمد آغا کلدی. بر ربیع معرفت
 دها ویردم. ایکی آی صکره غره محرمده (الله گوستره زک) شو بیون باغمده کی
 مرصع (تا) حرفلی ایکنه نی (محرمه) اوله رق اهدا وارسال بیوردقلرندن بنده
 صورت مخصوصده تجلید اولنش مجموعهلردن بالمقابله ایکی جلد تقدیم ایلدم.
 ناظر پاشا، حقیقتنده قطعا شبهه ایتمدیکی افاداتم ختام بولنجه قلوب فائق بکک
 یانه عزیزمته ورقه استجوابیه نی ویردی. بکده عربسه سنه ینوب گتدی.
 فقط بوشه زاده لرله مناسبت بحثی نره دن چیقدی. بونی جداً مراق ایتمشدم.
 آئی ایسه ایکی ماه صکره بالتصادف کشف ایلدم که ایلروده ذکر ی کچه جکدر.
 ماینجی فائق بک گتدکدن یارم ساعت صکره ایدی که تقریباً ساعت اون بر
 بچقده بر تفنکچی ایله ابر بقدار کامل بک نامنده برینک رفاقتنده (کال بک) اسمنده
 بردلی قانی گتورلیدی. بوکنجی آندن اوچ سنه اول نمونه ترقی مکتبی درس ناظری
 اولان حسین عونئی افندی برگون مقری گویده کی اویمه کتورمشدی. بوذات
 فلسفه جدیده تبعه اتندن اوقدر متلذذ ایدی که کیمی کورسه مطلقا بر بحث فلسفی
 آچار و مخاطبئی بحث و مناظره ده دعوت ایدردی. بوکونده قولنغنده بو هنرک،
 شوپنهاورک، اسپنسرک مسلك فلسفیلرینه عائد مؤلفاتی بولنیوردی. ناظم پاشا
 مباحث فلسفیه دن ذاتاً متلذذ اولدیغندن کال بکک بوصورته کلمی بیانغی انبساطی
 موجب اولدی. کتورن حریفلر پاشایه بعض افاداتده بولندقدن صکره چیقوب
 کتدیله.

بزم استجواباتده ذاتاً ختامه ایرمش کی ایدی. یالکگز سبب توقیف و تحری
 هنوز موضوع بحث اولمامشدی. مأمورلر کیتمش و وقت کراحت حلول ایلش
 اولدیغندن ینه بز بزم قالمشقدی. کال بکده قطعا اثر خوف و اندیشه کورلیوردی.
 کنج فیلسوف (شوپنهاور) ک بسمیستلگنی. (بو هنر) ک (مائی ژنه - فورس) نی،
 (اسپنسر) ک نه وولیسوینزمنی نفسنده جمع ایتمش، دها طوغریسی بو اوچ مسلکدن
 هر برینه کیفجه انتساب ایلش اولدیغندن، مایندن طوتیلوب ضبطیه ناظرینک

قوناغنه گوندرلدیکنه واوراده استجواب اولنه جفته حتی صکرده اغترابه دوچار اوله یلک احتمالنه قارشی تامیله لاقید بولنیوردی . یالکیز : (نه تحف آدملر ! انسانک او قودینی کتابلرده مداخله ایدیورلر !) دیوردی .

باغچده پاشادن سبب توقیفی صوردم . کوله رک : — برطاقم عجایب کتابلر او قیورمش . باقلسون ! سیاسیانه ، فساده متعلق شیر وارمی ، ضبطیه کوندرمسون . قوناقدنه تحقیقات اجرا ایتسون ، دیه امر اولمش . — دیدی . بوندن چوجفک تهمتی منج عقوبت اولهمیه جفنی استدلال ایله ممنون اولدم ، ذاتا ناظر پاشانک سار امثالی گبی آتی ده حمایه ایده جکندن مطمئن ایدم .

یمکدن صکره (ماده و قوت) اوزرینه پاشا ایله ایچمه بختده بولندیلر ، کوچک فیلسوف تبعائی سایه سنده ذاتنه مخصوص برمسلك طوتمشدی . حتی متنویندن دخی بر جوق ابیات ایله استشهاد ایدیور ، حرارت و طمانینتله بحث ایدیوردی . ماینک اورکه بیله جکی خصوصات سیاسیهدن گندنده ذره قدر بر فکر یوقدی . پاشایه دیدم که : امان الله عشقنه بونی حسنی افندی به استجواب ایتدیر میگز ! یاچوجنی چلدرتر + یاخود بر سقیمه اسناد ایله بلایه اوضرا دیر .

ایرتسی کونی ساعت سکزه قدر پاشا او طه سنده کال بکله مشغول اولدی . نتیجه مباحثه یی بر تذکره ایله مابینه بیلدیردی ، آقشام اذانه قریب غالباً بش اون آلتون بر عطیه ایله چوجفک تحلیه سی امری گلدی . فقط کال بک وقت کچ و پاشا ایله مصاحبه دن متلذذ اولسنه مبنی او کیچده واوراده قالدیغندن ، نصف اللیله قدر منشر حانه امرار وقت ایلدک .

(مابعدی نسخه تالیفه)

ابو الضیا

